



Septembre 2018

SPEG-Info

Spécial "LVR"

SA KI NI A FÈ POU KRÉYÒL-LA PRAN DOUBOUT A'Y OSÉRYÉ ANDIDAN LAKADÉMI GWADLOUP !

SPEG

ka baylavwa

konba-la ka kontinyé !

J'adhère au SPEG !

5 Immeuble Diligenti

BP 489

97164 Pointe-à-Pitre CEDEX

0590910532 Fax : 0590839042

speg@wanadoo.fr

<http://www.speg-guadeloupe.org>

Dépi nanninannan, SPEG té ka mandé pou lang é kilti kréyòl pran tout plas a-yo andidan lékòl-la. Afòs-afòs yo goumé pou sa, lang-la sòti an chimen kòsyè pou pé sa rantré andidan pwogram a-yo kifè jòdijou mèt é mètrèslékòl Gwadeloup pa oblijé sèvi épi-y anba fèy. Konyéla dépi lékòl mabo jis linévèsité lang-la ka sonné...

Men prangad kanmarad, sa ki an bèk pa anfal !

Sé pou sa adan 8tyèm kongrè a-y SPEG désidé woulé pou :

- Kréyòl rantré an fondòk a projé akadémik la, pou lang-la vin on zouti fondal pouvé èvè plis lè, plis pòs, plis fòmasyon dèpi lékol mabo jis linivèwsité
- On lègzamen kréyòl pou tout mètlékòl a tilékol
- On fòmasyon dontokèl pou tout pèsonèl adan akadémi-la odyapazon asi lang é kilti kréyòl
- Yo konsidéré kréyòl égal pyèt égal mòdan épi fransé

POU NOU FÈ :

**« ON LÉKOL POU DÈMEN, OTILA TOUT
TIMOUN GWADLOUP ANMOUVMAN, POU
DIVINI A YO É TA PÉYI-LA !»**



SA KI NI A FÈ POU KRÉYÒL-LA PRAN DOUBOUT A'Y OSÉRYÉ

Dépi nanninannan, SPEG té ka mandé pou lang é kilti kréyòl pran tout plas a-yo andidan lékòl-la. Afòs-afòs yo goumé pou sa, lang-la sòti an chimen kòsyè pou pé sa rantré andidan pwogram a-yo kifè jòdijou mèt é mètrèslékòl Gwadeloup pa oblijé sèvi épi-y anba fèy. Konyéla dépi lékòl mabo jis linévéstité lang-la ka sonné...

Men prangad kanmarad, sa ki an bèk pa anfal kivilédi sé dèyè bwa ki tini bwa pou pé sa fè lang an nou sizé alèz andidan lékòl a péyi an-nou.

Davwa lavi sé on konba, fo nou SPEG kontinyé goumé pou pé sa menné konba pou zanfan a péyi-la pé sa sèvi épi lang a péyi-la san mandé pèsonn tanpisouplé.

Nou di konba dèyè poko mannyé davwa :

- *Twòp zélèv ka sòti andidan lékòl-la san fasadé épi kréyòl*
- *Twòp zélèv pa ka rivé fè lapousuit lè yo komansé fè kréyòl*
- *Twòp lékòl pa ka fè ka épi zafè a kréyòl andidan pwojé yo ka menné*
- *Twòp pwofèsè ka travay adan plizyè lékòl davwa yo pa ka ba-yo asé lè*
- *Twòp tichèf ka mété baton an wou a kréyòl é moun a kréyòl*

Sé pouki, jòdila kon yè, SPEG ka bat lèstonmak pou mandé ho é fò :

- *Plis konsidérasyon pou lang a péyi-la*
- *Plis lè pou fè plis zélèv fasadé épi LVR kréyòl*
- *Plis lè adan chak lékòl pou pwofèsè kréyòl arété ni lè pa tipilo*
- *Tout zélèv Gwadeloup pé sa aprann lang Gwadeloup*
- *On politik ki pa ka mèt kréyòl an ripaj épi dòt lang*
- *Fòmasyon pou pwofèsè an tilékòl, kolèj é lisé pé sa sèvi èvè lang Gwadeloup adan disiplin a yo*

Pou tousa pé vwèjou, fò rèktora arété jouvé jébésé, é touvé mannyè ba lang a pèp Gwadeloup plas a-y ki ta-y.

ANKIJAN ?

- **Dabòpouyon, komansé pa fè-y rantré angran andidan pwojé akademik-la.**
- **Aprés, mètsipyé on politik pou lang kréyòl pé sa pran lavòl toupatou an tout lékòl**

Pou bout, SPEG ka di tout pwofèsè, p'on di sou pa pèd kidonk, i ka rété véyatif. Zò ké toujou touvé sendika-la doubout san bigidi pou défann lentéré a tout mètlékòl ki ka goumé pou pé sa fè pitit a péyi-la vansé épi zépon natirèl a-yo ki sé lang a-yo.

Kenbé fò kanmarad, konba dèyè poko mannyé !

15/09/2018 Konsèy Sendikal a SPEG

**« ON LÉKOL POU DÈMEN, OTILA TOUT TIMOUN GWADLOUP
ANMOUVMAN, POU DIVINI A YO É TA PÉYI-LA »**

